



Inatsisartuni ilaasortaq,
Jens Napātōk'
Maani/

§ 37 naapertorlugu apeqquteqaammut nr. 125_2019 qilalukkat qernertanut pini- akkanullu allanut tunngasumut akissuteqaat

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiuissaqarsimavutit, qilalukkat qernertat piniakkallu allat pillugit. Apeqqutitit uanga suliassaqarfigisannut akisassanngortinneqarsimapput.

*1-imut) Naalakkersuisut qilalukkat qernertat, piniakkallu allat pillugit nalilersueqqinniar-
lutik, kiisalu pisassiissutaareersut amerlanerulernissaannik ukiarmi 2018-imi peri-
arfissaqarnersoq misissorniarlugu oqaatigaat. Tamanna qanoq killiffeqarpa?*

Akissut:

Qinnuteqaatit arlallit tunngavigalugit december 2018-imi Naalakkersuisut qilalukkat qernertartassiissutit nalilersoqqissimavaat Qimusseriarsuarmi aamma Qeqertarsuup Tunuani qernertartassiissutit 40-nik ilaqqillugit.

Naalakkersuisut januarip 10-ani 2019 ataatsimiinnerminni aalajangerput ukiup ingerlanerani ilisimasanik imaluunniit siunnersuinernik nutaanik attuumassuteqartunik saqqummertoqassappat, Aalisarnermut, Piniarnermut Nunalerinermullu Naalakkersuisutit ukiumi pisassiissutinik aalajangersaanissamut aamma pisassiissutinik agguaanissamut nalilersuinissamut Naalakkersuisunit isummiussassamik saqqummiuss-innaasunga.

Sulili massakkut atuuttunit ilisimasanik imaluunniit siunnersuinernik nutaanik attuumassuteqartunik saqqummertoqanngilaq. Atlantikup Avannaani Imarmiut Milumasut kommissioniani (NAMMCO) Tunumi qilalukkat qernertat pillugit inassuteqaatinik uteqqisoqassasoq ilimagineqarsinnaavoq. Qilalukkat qaortat qernertallu pillugit Ataatsimoorussamik kommissionimi (JCNB)-mi Kalaallit Nunaata Kitaani 2019 ingerlanerani nutaanik inassuteqaateqartoqarsinnaavoq. Inassuteqaatinik nutaaqassappat tamanut ammasumik tusarniaasoqassaaq, tamatumalu kingorna Naalakkersuisut isummernissaanut tunngavissiorqassalluni.

2-imut) Naalakkersuisut 2019-imi piniagassanut pisassiissutigineqartut amerlinissaat periarfissaqartippaat?

Naalakkersuisut uumasut suussusaat, piffinnilu uninngaarfii, ataasiakkaarlugit nassuaanneqarnissaannut peqquneqarput.

Akissut:

Ulloq: 08-03-2019
Suliap normua: 2019 - 5954
Akt normu: 10176088

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

Ukiuni kingullerni pingasuni pisassiissutit sinneqartarneri tunngavigalugit, Naalakkersuisut isumaqarput piniagassat killilersukkat amerlineqarnissaat pisariaqanngitsoq. Pisassiissutit atunngitsuukkat takussutissiami takukkit:

	2016	2017	2018*
Tikaagulliusaat	10	11	14
Arfiviit	4	4	4
Qipoqqaat	7	10	6
Tikaagulliit	31	51	76
Qilalukkut qaortat	137	142	129
Aarrit	38	61	74

* 2018-imi kisitsit suli naammassineqanngillat.

Inussiarnersumik inuulluaqqusillunga



Nikkulaat Jeremiassen
Aalisnarnermut, Piniarnermut Nunalerinermullu Naalakkersuisoq



26-02-2019

Inatsisartut suleriaasianni § 37 imm.1. naapertorlugu Naalakkersuisut matumuuna apeqqut imaattoq saqqummiuppara:

Naalakkersuisunut apeqqut:

- 1. Naalakkersuisut qilalukkat qernertat, piniakkallu allat pillugit nalilersueqqinniarlutik, kiisalu pisassiissutaareersut amerlanerulernissaannik ukiarmi 2018-imni periarfissaqarnersoq misissorniarlugu oqaatigaat. Tamanna qanoq killiffeqarpa?**
- 2. Naalakkersuisut 2019-imni piniagassanut pisassiissutigineqartut amerlinissaat periarfissaqartippaat?**
Naalakkersuisut uumasut suussusaat, piffinnilu uninngaarfii, ataasiakkaarlugit nassuaanneqarnissaannut peqquneqarput.

(Inatsisartunut ilaasortaq, Jens Napātōk, Partii Naleraq)

Tunngavilersuut:

Naalakkersuisut pilersaarutertik oqariartuitigisimasartik killissimaneraat, qanorlu isumaqarnersut paaserusunneqarmata apeqquteqarpunga.

Apeqqutit ullut suliffiusut qulit (10) iluanni akeqquneqarput.